

1900-1911

中国近代教育资料汇编

第九十五册



海豚出版社

1900~1911


中国近现代教育资料汇编

第九十五册

海豚出版社

图书在版编目 (CIP) 数据

中国近现代教育资料汇编 : 1900~1911 / 庄俞等编. — 北京 : 海豚出版社, 2015. 9

ISBN 978-7-5110-2688-0

I. ①中… II. ①庄… III. ①教育史—资料—汇编—中国—1900~1911 IV. ①G529.5

中国版本图书馆CIP数据核字(2015)第164136号

书 名: 中国近现代教育资料汇编 (1900~1911)

编 者: 庄俞、蒋维乔等

总发行人: 俞晓群

责任编辑: 李忠孝 陈三霞 李宏声 邹媛 孙时然

责任印制: 王瑞松

出 版: 海豚出版社有限责任公司

网 址: <http://www.dolphin-books.com.cn>

地 址: 北京市西城区百万庄大街24号

邮 编: 100037

电 话: 010-68997480 (销售) 010-68998879 (总编室)

传 真: 010-68998879

印 刷: 虎彩印艺股份有限公司

经 销: 北京人天书店有限公司

开 本: 16开 (710毫米×1000毫米)

印 张: 3805

字 数: 25200千

版 次: 2015年10月第1版 2015年10月第1次印刷

标准书号: ISBN 978-7-5110-2688-0

定 价: 84000.00元 (全套140册)

ISBN 978-7-5110-2688-0



9 787511 026880 >

版权所有 侵权必究

目 录

历史类

绘图外国白话史 第三册

皇朝掌故读本 卷上

绘图外国白话史 第四册

皇朝掌故读本 卷下

绘图外国白话史 第一册

绘图外国白话史 第二册

皇朝掌故讀本

皇朝掌故讀本 卷上

文明書局敬編

維 天眷佑 聖清。舉祥和靈秀之氣。磅礴鬱積於
長白山之陽。迺篤生我 太祖高皇帝焉。 帝先世
由吉林之鄂多里城。

城在長白山下。舊古塔西南。古肅慎氏國也。始祖姓愛新覺羅
氏。當遼金之末。爲衆所推戴。奉爲貝勒。以定三姓之亂。貝勒者。華
言王也。

皇朝掌故讀本

卷上 天命朝

上海文明編

遷於赫圖阿喇。

數傳至 肇祖。當明正統景泰之際。遷於赫圖阿喇。西距 盛京 二百七十里。東距寧古塔一千二百里。肇祖生 興祖。興祖生 景祖。景祖生 顯祖。皆居於此。今謂之 興京。

迺滿洲一部落也。

是時幽州營州荒外。諸部分裂。四祖稱寧古塔貝勒。甯古塔外有滿洲國部落五。曰蘇克護河。曰渾河。曰完顏。曰棟鄂。曰哲陳。長白山國部二。曰訥殷。曰鴨綠。東海國部三。曰渥集。曰瓦爾喀。曰庫爾喀。扈倫部四。曰葉赫。曰哈達。曰輝發。曰烏拉。皆金代部落之遺。

與蒙古行國迥異。

帝承 列祖之遺。

滿洲圖倫城人曰尼堪外蘭陰附明總兵李成梁共誘 景 顯
二祖害之於古勒城。顯祖生三子長卽 太祖也以明萬歷十
一年嗣位。年二十五。諱努爾哈赤。

有衆一旅。

率甲十三襲尼堪外蘭於圖倫城外蘭遁得甲三十卒百人以歸。
先收滿洲五部執仇而戮之。
攻尼堪外蘭於鄂勒琿城誅之。

始通於明。

明歸我。二祖之喪。以都督勅書十道。馬三十匹。又龍虎將軍之印。歲幣銀八百兩。後又以土產東珠人蔘紫貂元狐狍獐獐與明互市於撫順等關。

後又盡收長白東海扈倫諸部。惟扈倫之葉赫部。爲明北關。倚明爲援。構怨於我。明人助之。帝於建元天命之三年。以七大恨告祭天地。大興師伐明。破明兵於薩爾滸。

殲明兵二十四萬。及其大將杜松劉綎等。

攻開原。克鐵嶺。遂滅葉赫。旋收遼瀋。遷都遼陽。由山海關廣寧以東。北抵黑龍江。東傅海。胥入版圖矣。帝以其武天縱之資。地不過數千里。兵衆不滿數萬。父子兄弟戮力。破明二十萬衆。而成大一統之基。世傳 帝每有征伐。與諸貝勒適野而謀。上馬而傳令。上下等威不甚異。以五大臣議政。十大臣理事。無留獄。無壅情。令簡而速。故事無不舉。

當時共事者。僅 帝子弟諸貝勒。及近臣費英東。額亦都等數人而已。

臨敵七旗卻走。一旗拒戰，卽以七旗佐領之，丁給一旗。一旗卻走，七旗拒戰者亦如之。一旗之中，半走半戰者亦如之。罪雖親而不貸，功雖疏而不遺。令信而必，故戰無不克。興京內城居宗室勳戚，外城居宿衛親兵萬餘。此外遠近十餘萬戶，散處遼河東西，無事耕獵。有事徵調，戰勝分俘受賞。人自爲兵，人自爲饗，故用無不給。乃知聖武布昭，所向克捷。雖曰天命，亦人事然也。

帝建元天命。歷十二年崩。年七十四。

太宗文皇帝。

太祖第四子。太祖時稱 四貝勒。

悉遵 太祖成法。踐阼之年。與明議和不就。遂伐明。毀大小凌河二城。逾二年。由喜峯口入。戰於明之都城外。

明經畧大同總兵滿桂以兵四萬陣永定門外。我軍效其甲裳。宵突其營。明兵大敗。滿桂戰死。擒其總兵黑雲龍等。明守城兵俱敗入。帝仍爲議和書。分置永定德勝二門。明帝不允。我兵遂掠薊州而還。

由是而滅蒙古插漢部。

元裔在山西邊外。

一時明山東諸將以舟師降附。

毛文龍既誅。其將孔有德耿仲明以舟師來降。尙可喜以覺鹿島來降。上皆率諸員勒郊迎十里之外。令率火器軍。厚加賞賚。

而黑龍江北部亦來歸。

達瑚爾鄂倫春等部來歸。編爲索倫兵。

朝鮮舉國內屬。奉朔稱臣。

天聰十年四月。羣臣以功德隆盛。恭上尊號曰寬溫仁聖皇。

帝改元崇德國號。大清封大貝勒代善等親王。異姓功臣孔有德尚可喜等及外藩蒙古各部王爵。惟朝鮮不肯推戴。且有違言。崇德二年。上親征朝鮮。朝鮮王李倧率羣臣覲。上於黃幄請罪。上赦之。頒給勅命。倧委身歸奉正朔。稱臣納幣。

伐明深入者。至再至三。

明督師盧象昇戰死。我兵克眞定 廣平 順德 大名 渡山東 運河 破 濟南 執德王 走魯王 入沂州 掠江蘇 海州 至莒州 凡克城五十 降 城八 俘人口四十六萬有奇 明不知也 妄傳我兵已出塞 閱月而 大兵反自南還 明政之不綱如此。

大破明兵於松山杏山之間。

獲明督師洪承疇總兵祖大樂等。遂克錦州。及塔山松山杏山。明崇禎帝祈憫於奉先殿。遣員外郎馬紹愉等齎書來議和。帝召見宴餞如禮。報書定和局。而明廷臣交章爭之。和議遂罷。

皇威遐暢。所向克捷。至崇德八年。中原盜賊蠱起。明廷岌岌不可終日。我諸王大臣爭請直取燕京。而帝不欲乘明之急。按兵以待。仍願議和。蓋始終一不嗜殺人之意也。

天聰九年。軍在山西大同北樓口。得明人牒書。帝復明帝書曰。

滿洲國皇帝致書明國皇帝。昨見皇帝書云。滿洲原係我屬國。此不惟皇帝言之。卽予亦未嘗以爲非也。止因遼東之官。欺陵不堪。屢次抒情往告。又蔽不通。我思此種情形。仇怨已深。難以剖白。惟動兵戈。可冀來詢其由。孰意乃惑於各官欺誑。數十年竟無一言問及。以致戰爭不已。若皇帝早遣一信使來。詳詢事由。判白是非。予豈樂竟用干戈耶。爾國臣僚。一味欺罔。每當我兵入境。自戮刺髮漢人。虛報斬級千百。我國若果傷折千百兵。勢豈能常振耶。以皇帝之聰明。一付度之。而欺罔自見矣。云云。又諭多爾袞等曰。征伐非朕所樂。朕常欲和而明不從。是以興師。慎勿妄行誅戮。勿